

Nor för eine Dag

Musik: Mike Kremer

Text: Mike Kremer

Als ich ne kleine Panz wor, jrad ens fünf Johr
un noch keine einzije Dag su wie dä Aandere wor,
jov et vill zo staune, de Welt unendlich jroß
un wat ich späder weede sullt, dat han ich nit jewoss

Un ich frog mich, wo es all die Zigg nur hinjerannt

**Och, wenn ich nur för eine Dag
eimol wie fröher Panz sin darf
Och, wenn ich nur för eine Dag
eimol noch jung un frei sin darf**

Jetzt luur ich us däm Finster un frog nit mieh, wat kütt
Ming fünfte Tass voll Kaffee nur noch lauwärm 'renjeschütt
Wo sin all die Dräum, die mich eins jefange han?
Dat schingk su lang ald her, dat ich mich kaum erinnere kann

Un ich frog mich, wann han mir die Dräum nur affjelaht

Alles läuf su schnell un ich han noch su vill vür
Silvester, dreimol schlofe, dann steiht Weihnacht vür der Dür
Alles läuf su flöck un ich kumme nit mih noh
Op eimol steiht dä eijene Panz do